

oder horen lesen, und ob wir von angeborner gute und miltikeit und
 ouch romischer küniglicher wirdikeyt wegen, dorin wir von gotlicher
 schickunge, als wir hoffen, gesezt sind, alzzyt geneiget sin aller und
 yeglicher unser und des richs underthaner und getruen nucz und from-
 5 men zu bestellen: yedoch erkennen wir wohl, das wir mer pflichtig
 sin aller der, die uns und dem riche vor anderen luten mit ganczen
 truen gedienet haben und fürbasz zu dienen willig und bereyd sin,
 nucz und fromen czu bestellen und sy ouch by ihren fryheiten gnaden
 und rechten gnediglich zu behalten. Wan nū vor uns komen ist der
 10 bürgermeister rete und bürger der stat zu Quedlingburg, unser und des
 richs lieben getruen, erbere und vollmechtige botschafft und uns die-
 muetiklich gebeten hat, daz wir in ire und der selben stat zu Qued-
 lingburg alle und yegliche ire gnade rechte freyheite brieve privilegia
 und hantveste, die sy von unsern vorfarn an dem riche, romischen
 15 keysern und künigen, erworben und herbracht haben und ouch ire gute
 gewonheyte zu verneuen, zu bestettigen und zu confirmiren gnediglich
 gerūchen, des haben wir angesehen solich diemuettige bete und ouch
 flissige und getruen dienste, die uns und dem riche die vorgeanten von
 Quedlingburg williclichen gethan haben, tegelich tūn und furbasz tūn¹
 20 sollen und mogen in kunftigen czijten, und haben² in darumbe mit wol-
 bedachtem mute, gutem rate und rechter wissen alle und yegliche vor-
 genante ire gnade rechte fryheyte brieve privilegia handvesten und
 gute gewonheyte gnediglich verneuet bestettiget und confirmieret, ver-
 neuen bestettigen und confirmiren in craft disz briefs und romischer
 25 künigl. macht volkomenheyte und meynen seczen und wollen, daz die
 selben brieve privilegia und handveste in allen iren artikeln puncten
 und begriffungen, als sy dann die von unsern vorfarn an dem riche
 romischen keysern und künigen redlich erworben und herbracht haben,
 gancz krafft und macht haben und von allermeniglich gehalten werden
 30 sollen gleicher wise, als ob sy von wortt zu wortte hierinn begriffen
 und geschriben weren, und das ouch die vorgeanten burgermeyster
 rete burgere und stat zu Quedelingburch by solchen iren brieven pri-
 vilegien und handvesten und ouch by iren rechten gnaden freyheyten
 und guten gewonheyten furbasz mere beliben sollen von allermeniglich
 35 ungehindert. Wyr haben ouch die vorgeanten burgermeyster rete und
 burgere zu Quedelingborg mit allen und iglichen iren leuten unter-
 saszen gutern haabe und zuehorung, wie dann die genant oder wo
 die gesessen oder gelegen sint, in unsern und des richs sunderlichen
 schirme gnediglich genommen und emphanen, nemen und emphahen
 40 sy ouch dorin von romischer kunglicher macht in craft disz briefs,
 doch unschedlich der epptissinn, dem convent und closter tzu Quede-
 lingburg an allen und yeglichen iren rechten. Ouch von besundern
 unsern kuniglichen gnaden haben wir die vorgeanten burgermeyster
 rete und burger zu Quedelingburg begnadet und gefrijet, begnaden und
 45 freyen in craft disz briefs und romischer kuniglicher macht volkomen-

1) Die Worte und furb. tūn fehlen im Copialb. — 2) haben fehlt Copialb.